



Broj: 05/7-39-1-178-63/20

Sarajevo, 1. 10. 2020.

Z A P I S N I K

63. sjednice Vijeća nacionalnih manjina BiH, održane 30. 9. 2020.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manžalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Jakob Finci, Dejan Piotrovski i Vjeročka Gajić.

Sjednici su, također, prisustvovali: Enra Soldin iz Sektora za odnose s javnošću Sekretarijata Parlamentarne skupštine BiH i Aida Kreho, sekretar Zajedničke komisije za ljudska prava.

Za sjednicu je predložen sljedeći

D N E V N I R E D

1. Usvajanje Zapisnika 62. sjednice Vijeća nacionalnih manjina BiH;
2. Inicijativa za razmatranje rada i djelovanja organizacija nacionalnih manjina u vanrednim situacijama u BiH, podnosilac: Dragan Marković;
3. Informacija o Zakonu o zaštiti prava pripadnika nacionalnih manjina Brčko Distrikta BiH, podnosilac: Todorka Jovanović;
4. Tekuća pitanja:

- a) Inicijativa za dodjelu zahvalnice *prvom zamjeniku visokog predstavnika* u Uredu visokog predstavnika u Sarajevu *i supervizoru za Brčko Michaelu Scanlanu* (predlagač: Todorka Jovanović).

Dnevni red jednoglasno je usvojen.

Ad. 1. Usvajanje Zapisnika 62. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da rasprave nije bilo, pristupilo se glasanju, te je Zapisnik jednoglasno usvojen.

Ad. 2. Inicijativa za razmatranje rada i djelovanja organizacija nacionalnih manjina u vanrednim situacijama u BiH, podnosilac: Dragan Marković

Nakon što je predsjedavajući otvorio raspravu o ovoj tački, Dragan Marković je, kao podnosilac navedene inicijative, prezentirao rad udruženja nacionalnih manjina u Doboju te pomoći koja je pružana pripadnicima nacionalnih manjina od trenutka proglašenja pandemije COVID-19 do danas, naglašavajući kako je u vrijeme pandemije pronađen način da se dodijeli novčana pomoć određenim organizacijama, preduzećima, samostalnim privrednicima i ostalim koji su ispunjavali tačno propisane uslove. Istovremeno, podsjetio je da su i udruženja nacionalnih manjina pretrpjela određene štete, samom činjenicom da - s obzirom na uvedene restriktivne mjere - nisu u mogućnosti organizirati okupljanja, manifestacije i ostale događaje koji su za cilj imali promovirati kulturu nacionalnih manjina, ali i osigurati finansijska sredstva koja su služila za plaćanje troškova koje ta udruženja imaju (prostor, komunalije i slično), ali da im nije, bez obzira na nivo vlasti u BiH, pružena nikakva pomoć.

Imajući u vidu da se ne nazire kraj pandemije, predložen je i zaključak da se od Vijeća ministara BiH i Ministarstva finansija i trezora BiH traži uspostava fonda za pomoć pripadnicima nacionalnih manjina.

Tihomir Knežiček je, također, predstavio aktivnosti na pomoći udruženjima i pripadnicima nacionalnih manjina u Tuzli, od kojih je izdvojio aktivnosti udruženja Italijana održanih u septembru, realizirane uz poštivanje svih propisanih epidemioloških mjera. Istovremeno, naglasio je da je Grad Tuzla povećao udio s 20% na 40% sredstava granta koje Grad dodjeljuje za operativne troškove udruženjima, što im je svakako pomoglo u radu, te objavio poziv i

okončao proceduru za dodjelu sredstava granta za udruženja nacionalnih manjina za aktivnosti koje će biti organizirane u narednom periodu.

U raspravi koja je uslijedila učestvovali su: Dragan Marković, Andrija Svatok, Jakob Finci, Eva Pašić-Juhas i Tijana Vučurević. Općenito je istaknuta podrška za predloženu inicijativu, navedene aktivnosti pojedinih udruženja, gradova i/ili općina u periodu od proglašenja pandemije, ali i naglašena potreba preciznog definiranja zaključka za osnivanje fonda za pomoć pripadnicima nacionalnih manjina, te ukazano na različite prakse po određenim pitanjima – zavisno od nivoa vlasti ili između istih nivoa vlasti.

Članovi Vijeća nacionalnih manjina BiH su, na kraju, s deset glasova „za“, bez glasova „protiv“ i sedam glasova „suzdržan“, usvojili **Inicijativu**

„Traži se od Vijeća ministara BiH i Ministarstva finansija i trezora BiH da razmotre mogućnost uspostave fonda na nivou Bosne i Hercegovine za pomoć nacionalnim manjinama u Bosni i Hercegovini. Uspostava fonda traži se s ciljem pružanja pomoći pripadnicima nacionalnih manjina u svim vanrednim situacijama, poput one koja je bila u trenutku proglašenja pandemije COVID-19“.

Inicijativa će biti dostavljena Zajedničkoj komisiji za ljudska prava na razmatranje, usvajanje i dostavljanje nadležnim institucijama.

Ad. 3. Informacija o Zakonu o zaštiti prava pripadnika nacionalnih manjina Brčko Distrikta BiH, podnosilac: Todorka Jovanović

Todorka Jovanović informirala je članove Vijeća nacionalnih manjina BiH o proceduri na izradi Prijedloga zakona o zaštiti prava pripadnika nacionalnih manjina u Brčko Distriktu BiH, te zaslugama koje je za iniciranje aktivnosti na izradi i usvajanju tog zakona, 17 godina nakon usvajanja Zakona o zaštiti prava pripadnika nacionalnih manjina BiH, imao prvi zamjenik visokog predstavnika za BiH i supervizor za Brčko Michael Scanlan, kao i pojedinostima propisanih navedenim prijedlogom zakona. Istovremeno, navedeno je kako se u oktobru tekuće godine očekuje konačno usvajanje Prijedloga zakona.

Informacija je jednoglasno primljena k znanju.

Zaključeno je da će predsjedavajući Vijeća nacionalnih manjina BiH, zajedno s Todorkom Jovanović, prisustvovati sjednici Skupštine Brčko Distrikta BiH na kojoj se očekuje razmatranje i usvajanje Prijedloga zakona, te da će Vijeće nacionalnih manjina BiH formirati

delegaciju koja će prisustvovati konstituiranju Vijeća nacionalnih manjina Brčko Distrikta BiH, kada dođe do njegove uspostave.

Ad. 4. Tekuća pitanja

a) Inicijativa za dodjelu zahvalnice prvom zamjeniku visokog predstavnika u Uredu visokog predstavnika u Sarajevu i supervizoru za Brčko Michaelu Scanlanu (predlagač: Todorka Jovanović)

Todorka Jovanović obrazložila je prijedlog da Vijeće nacionalnih manjina BiH dodijeli zahvalnicu prvom zamjeniku visokog predstavnika u Uredu visokog predstavnika u Sarajevu i supervizoru za Brčko Michaelu Scanlanu. Tom prilikom istaknut je njegov angažman na donošenju Zakona o pravima pripadnika nacionalnih manjina u Brčko Distriktu BiH, u smislu pristupanja izradi i usvajanju ovog propisa, koji na svoje donošenje čeka od donošenja Zakona o pravima pripadnika nacionalnih manjina BiH.

U raspravi su učestvovali: Andrija Svatok, Jakob Finci i Velibor Kuvač.

U konačnici, članovi Vijeća nacionalnih manjina BiH jednoglasno su usvojili prijedlog da se dodijeli zahvalnica prvom zamjeniku visokog predstavnika u Uredu visokog predstavnika u Sarajevu i supervizoru za Brčko Michaelu Scanlanu, te da mu se ona dodijeli na narednoj sjednici Vijeća nacionalnih manjina BiH, koja će biti organizirana u Brčkom.

Sjednica Vijeća nacionalnih manjina BiH završena je u 17.50 sati.

Sastavni dio Zapisnika je tonski snimak 63. sjednice Vijeća nacionalnih manjina BiH.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**